

紫峴山人全集

紫峴山人詩集卷二十六

湘潭張九鉞慶西著

姪孫家枻重刊

歸湘集上 乾隆壬子至嘉慶庚申

乾隆辛亥先生歸自武昌年七十一矣畢秋帆尚書薦主  
澧陽書院語當事毀李自成墓不果辭歸甲寅李綱菴邑  
令聘主昭潭凡十年名儒輩出色書院之有題名小額自  
先生始戊午撰三川考略凡四卷庚申八十初度湯二樓  
邑令率紳耆為先生壽四方能文之士爭以詩賀辛酉輯  
詩稿付世津藏之以癸亥九月十九日卒年八十有三著  
歸湘集

歸里二首

敢有經師答

國恩漫同游士寄中原一鄉英俊勞瞻望謂王印潭朱  
關東緒子四海知交

荷注存畢秋帆姜杜  
香南中丞把釣欲尋潭畔石看花好向寺邊村由來散

木能多壽未必莊生是寓言

三關揖別徑言歸雪後輕帆轉浦飛隔歲音書和夢入一生身事  
與心違迎門兒女悲還喜插架圖編是也非紅粉青山都淚盡白  
頭無語對斜暉

天門十六峯歌寄懷慈利柳明府

我聞天門之山古三峯空冉冉青芙蓉倒浸澧水二千丈翠滿  
蕩漾連赤松昔飽東陽鮑使欲探仙宅巨漲恐於人返舟望歎息  
羨君移軾峯之下煙嵐堆滿齊衙席菖蒲花發訟臺稀雨足新苗  
遍阡陌豪吟橫寫赫蹏箋簿領堆中雜典籍如攀天帚出空濛一  
掃三江五湖白憶昔與尊公誼厚年相若鞭絲帽影逐長安岐鼓  
摩挲鬪新作青田之韓永嘉周一日不見懷緒惡淨業湖邊雪撲  
糊狂歌痛飲膽氣饒天台祝融夢惘恍述奇標異爭笑呼春明散  
後心忡忡相尋譚藝濱江東浮邱白鹿不稱意別離南北何匆匆

人琴之感四十載晚交見子同神采丹山鳳穴渥洼駒舊疆循績  
如模楷山川友朋真性情兩世追隨增慷慨定知碧岫屏障間老  
翁倚杖遙相待且作天門歌寄君天門署懷新憶舊滿心胸盡在  
蘭芳蕙馨處

題澧州方悟桃使君以我觀我圖

座中之公兮

他本作公子

揮箋灑墨手批耳聽合部稱神明圖中之公

兮焚香瀹茗輕衫軟履據石何蕭清政暇展函一相嚮動靜當前  
各殊况神采能令阿堵傳靈臺難借丹青狀澄懷觀我只觀心慧  
鏡智珠証超曠月澹澹兮流觴風泠泠兮拂床伴公以瀟湘千畝  
之碧玉襄公以澧蘭九畹之幽芳無言相對一賓客蘇門或是晁  
與黃人生勞蹤得妙悟腰笏峙芻蕘隨所遇雪泥鴻爪有何常守道  
淵然守官裕江山浩氣入鬚眉衡岳洞庭作詩助漢家循吏即經

師讀書面目仍如故他年千騎長轂驅身冠絳節腰虎符定知秀  
釋疏花裏悠然吾亦見真吾安得歐陽六一家本蘇本紛紛形韻  
多傳摩

贈澧州胡沛霖志感兼別

書生少作潯陽客老去重來主經席當年儔輩盡凋零惟有關山  
依舊碧晚交最喜得胡君意氣文章迥出羣婀娜秘卷窮搜討兼  
熟靈樞金匱文講院往來聯履跡風雨論文常永夕仍似篝燈山  
寺時江湖浩蕩歸宵臆平生落托兼豪放年屆楚邱誇始壯少陵  
藥餌身未隨長公參把栽無壤因循寒錮腰腹間暴蹠翻同瞶  
狀兒曹驚怖童僕愁不知三日青綾帳多君一胗洞癢結回天立  
起刀圭屑也知薑桂性原辛不比火靈丹助烈周旋床褥幾晨宵  
此豈尋常肝膽熱卽今推梧躍然試食能盡豆肉大敵放杖郊行

隣叟疑香花興望門生昇回思危境如夢中感君握手笑兼涕菊  
花開後整歸航又別芳蘭九畹鄉神手遍爲州郡述高情不令子  
孫忘更於載酒登山日遙奉嵩梁一瓣香乾隆丙辰余年十六隨  
往來石門豐城間

梁季修外姪重葺香雲書屋亭堂軒室不樸不華悉如舊  
制移家之晨設樽觴聚親朋讌酬竟日余既喜其能承  
先志念懿戚儔輩追尋惟余獨存追維數十年來天運  
盛衰循環之數人事聚散興廢之由鬱勃於懷因賦五  
言格詩六首紀事季修將補種新桂以實香雲之名末  
章嘉之且以爲勗也乾隆壬子冬

聞之吾先人湖壩西北隅燹餘始開闢榛篠猶荒蕪君家曾祖翁  
洲頭購一區縱橫三十畝墾藝同畝畚耨云近園名漸次成規模

手種三桂樹佳種出天都移堂以就樹茂密蔭綺疏鐵幹交蚴蟉  
龍蛇影盈除子姓兆蕃衍兄弟比友于時復扶鳩來朋箋召吾徒  
君家爲贅婿維時戊午秋書屋桂初放九英呈瑞稠龍涎一萬斛  
蒸作紅雲浮我歌蟾窟詩時賦蟾窟歌清風起颺颺外舅顧之樂親爲  
酌一甌以後承先閣朗吟軒窗幽尊甫雨伯仲風雨同冥搜花時  
坐樹下分韻長短謳醉喝月倒行金波滴杯流盛事五十年回首  
如泡漚

尊甫移家居書屋拓棟宇東營靜安堂後飾桃花塢我久滯燕吳  
聞之每延佇攜家雪江返姊弟歡相聚圍爐煮芋栗開筵奏霓羽  
海上倏飄零天涯間寒暑聞復入深山匣錦闌花墅倦游如夢寐  
舊約空雞黍已切荊州思難問舉橋廡筠車每一過惆悵不欲語  
人情勞思安地運剝受復燕吳必舊窠鶯遷在喬木君謀稍息肩

焉不念先躅軒庭實荒蕪聖壁去獨漉簷高蔽風雨堂深薦魚葑

茂漪珊瑚架德曜謂衣仙原屋如史硤硤頭玉姿荷衣就東塾載書

如茂先補架盡鄴軸知非航亭榭亦可理花竹

扶杖磨層堦移席坐曲欄湘嶽送春來好鳥鳴閒關朋筭繫珠璣

舊額洗琅玕不殊近園初風景樹衰顏君家四百載毓秀拔龍山

忠厚爲清門其名首湘干我思太邱長謂外舅喬瓣香奉勿諼君

性質且淳作事皆可觀場哉遵祖德彌縫兄弟間畱硤珍玉堂舉

案效伯鸞

樹松如種德植槐以昌後高士菊盈籬騷人蕙繁畝茲園祖澤深

芳根百年有君賦小山詩招桂如招友補栽約春深地脉蘊蒸厚

初如拱把微漸見枝柯茂護以曲欄紅灌之清泉瀏行將參蒼天

泉壤慰白首黃雲張帷幙丹液和餌糗花時掃蘭皋列坐盡瓊玖

城東一老翁爛熳倒樽酒

題趙叔明參軍梅軒垂釣圖

校書出入石渠閣飛毫署判蓮花幕揚旗浮木蔽江濤曲窮緹油  
蒞山郭胡爲貌之邱壑裏黃蔑撇頭船自橫青簑筋笠亂瓊飄一  
竿破雪搖寒水陰雲匝清梅花橫蕭蕭萬籟風無聲遙看凍厓忽  
起處空天一縷孤煙生古來達人存大概釣不必得得不賣聊作  
江湖浩蕩觀焉能大地絲綸礙知君腰腹一時豪那羨臨淵照沫  
勞好儲饔餌任公子更向滄溟掣巨鼈

得吳子豫郎慈利來書卻寄三首

天門十六峯知在幾芙蓉音問忽飛到琴樽不可從我方行一月

君已住三冬

余去年秋辭舊君於十一月到慈利縣各不知也

澧浦幽蘭色騷人對轉濃

騎得羅浮蝶飛飛度嶺雲欲尋神禹篆長揖祝融君哀怨鬢仙操

悲歌帝女墳

若有劉發仙曲好憑湘浦瑟彈入曲中聞

不樂栖戎幕。靈溪釣鯉魚。久高名士價。獨重古人書。鵲鳥從鵝嚇。

龍鼉傍客居。我舟明又發。相望意何如。

將赴涿江

講院風雨懷朱礪東四首即當札寄之

江波一何濶。風雨宵紛紛。此際挑燈坐。無眠祇爲君。將行猶鬪酒。

幾日復論文。扇底紅蘭影。殷勤惜露芬。

韻行贈余紅蘭畫筵并別詩

令弟傳消息。輕帆過鄂州。將迎知老友。

王達心太守

蹤跡謝諸侯。對月

人千里。招仙鶴一樓。湖山天地別。取次入扁舟。

晨鵲遙傳喜。計君應到家。庭闈趨侍樂。婦子笑言賒。定訪重奎閣。

謂王西莊光祿還浮甬里槎。尋余夢遊處。只傍越溪花。

老病孰憐予。經旬髮未梳。送箋疑僕至。觸篋見君書。意氣知適合。

風流肯索居。湘城西畔路。翹望意何如。

病後自豐陽歸聞朱三礪東抱疾連月未下樓知余歸寄  
詩六絕兼饋佳味適以事往星沙十日歸酬五言古詩  
一首聊志渴懷

病起理歸舟思踐良朋約聞亦抱煩疴隱囊吟高閣相憐更相憶  
何計慰離索銀鹿走詩來厚意濃醞酪怒然如輞餓咫尺隔酬酢  
佳釀餽渴羌糟味兼羊臠宛如醉春宵桃花當簷落知君瀟洒襟  
素不攘六鑿何須肘後方輾轉費參酌維摩偶示疾禪味謝糟粕  
天女灑花場靜中身不著騷人九畹香空際自騰躍煙雲大供養  
古者有三樂我近亦鍵關蕭疏自行樂君當珍腰圍我更惜膝腠  
共此譚藝心跋扈尙如昨稍待天暄和紅梅綻新萼期君跋青鞨  
聯轡步東郭

季修內姪招飲同黃心菴朱礪東劉牛山王印潭

筠車空午出城西草長東風鶯乍啼老癯舊游無感懷病多良友  
爲提攜新栽佳樹如人立更布唐花與檻齊詩筆未知還健否先  
拚傳盞醉如泥

印潭姪壻鈔余詩稿以二律書其後依韻奉酬

風雨離羣感書來忽豁胸題詩榮舊帙醒夢落清鐘做帚徒知享  
枯禪未可宗無成今老矣眞悔學屠龍

寥落千秋業蒼茫獨立人晚交方得子契合豈無神抗手希前哲  
鞭心出等倫正聲忻有待著述慎茲身

甲寅初度日用壁間陳恪勤公書介壽詩韻紀事

大袖褒衣足徜徉太平歲月苟安康早梅蓓蕾偏乘暖老桂婆娑  
競吐香異國卅年辭餽贈故園今日樂風光雙行兒女團團拜笑  
抱曾孫引巨觴

壽萱篇爲石太恭人作

序見文集

壽萱花種出斑竹塘

塘在潤邑十七都係壽母族居生長之地

伴以女貞之樹蔭以難

老之桑壽萱花樹自北堂北

不聞啼鳥將子鳴啞啞但聞花開讀

書聲琅琅雜機織雖無並蒂枝各佩宜男色今年七月二十五日

天氣晴花開乃在弄珠之樓東渚之城臨看板輿漑者廉泉有鶴

者髮有魚者軒瑤峯文石錦鸞翠鳥逆其閒阿戎花縣吏政大美

金魚繡鴻長紳縱纚率其婦孺其子捧盤匱贈魴鯉花盆色大喜

其香四照遍滿鸚鵡湖水我聞湖濱婦與嫗童與叟躋公堂獻觥

酒各各致詞爲介壽今年花中現金母使我有盤有桑有稌有黍

今年花中坐昌容手和二百餘歲之紫茸使我飢得粟寒得衣病

無顛連老無癯今年花中降慈佛使我獄不聞桁楊堂不聞扑扶

冬有襦夏有湯澤願花酌如盤實如棗百年三萬六千日日日看

花顏色好人言萱花甘我知萱花苦花前有蟻風花外有伏雨凌  
花霜十指封花冰幾縷采茶作飴茹牽蘿將屋補皋蘇勞難療蓉  
蔬堅獨挂三十六年花有神乃從蓬艾挺秀自成圓齊綺蘭蕙芳  
杜如彼華萍與奚脯阿戎爲我言對花心屏營不得揚勁節端木  
進

彤廷不得表瓊華高立無雙亭如我母兮劬勞曷以報所生我謂  
阿戎花各有德花各有福發其幽光曰惟天俾穀上有五雲六龍  
交銜之

寵章下有天孫七襄新織之翟服曰旌其行曰表其型旣碩且蕃  
旣茂以貞不凋不老丹蕊金英花花當春暉葉葉抱九莖孰謂寸  
艸之報不顯以榮公卿祝壽萱頌作陳思貽學士祝壽萱賦作夏  
侯詞閭里祝壽萱錦箋剡紙爭淋漓堂哉皇哉用佐母對花醕觴

與含飴更有仙之人花前奏樂紛來時初爲冰絃彈出寡女絲恰  
是當年孤鸞隻鶴吟淒其旋爲銀璫疊奏和以熙或似魯侯闔宮  
頌或似南陔白華詩我聞之爲起敬廣爲壽萱簪酌酒祝花盛永  
忘憂永養性

家文波姪齋中看牡丹同梁雲巖及霽巖姪二首

衝泥來到阿戎家特啓清樽捲碧紗風雨何須愁爛熳管絃差未  
鬪豪華香迎書卷徐徐出酒醺賓衣故故斜自是花王宜擁護寶  
幢朱旆列山茶

花後置山茶數  
盞益助其豔

郭外尋春幾處邀繁枝吾愛月弓橋雕欄巧借銀塘繞薛逕頻移

蠟炬燒五色文章看後輩一樽衰老對今宵

硯泉霽巖兩姪兄  
弟聯登一門鼎盛

思棣萼當年盛香桂園深聽玉簫

家棧注月弓橋香桂園皆橋  
洲伯祖別業伯文波所居

崇仁楊竹廬白粵東旋夏口迂道見訪長句紀別卽書其

桑梓黨聲卷後

仙人樓月郎官酒二十餘年一回首大河南北隔音書聯轡尋芳  
亦何有老居間塾掩柴荆叩門剝啄芻尼鳴傳箋驚恍疑夢寐握  
手歡笑追平生子從何處急飛至騎得仙羊執香穗相思命駕迂  
道來末世焉能有氣誼羨子翩然一孤雀雲海江天任寥廓龍堂  
蛟室寶絡場靜坐焚香下深幕養性惟緇內景文活人且付刀圭  
藥以此儔輩皆傾倒贈答詩篇重紵縞白雲山頂呼安期萬里蓬  
瀛見了了削取珊瑚作釣竿掉頭卻走瀟湘道卽今道器溫且醇  
襟懷瀟灑絕市塵黃芽玉液等閒事養拙何鄉有谷神岸花飛送  
畱不住打帆遠指漢陽樹秋深重過煙波灣記取昔年離別處

翠屏洲歌送寄丹徒王柳邨

不知金焦東北固北蟠鯨宮跨鼇脊浮空一朶青蓮花穩占詩人

萬古宅王君種柳洲作邨天桃脩竹點綴繁海門日月出几上白

雲破碎琉璃痕石床茆屋平如掌香風偏長瑤田蓀開軒遙峯煙

嵐躍中插浩渺蓬萊根漁舟隔岸迷洞口悄恍恐是武陵源金陵

蔡子大詩友

先生

東南豪傑羣招手

石遠梅金手山梅抱孫侯相

與鏗鎬發正聲

直扶三唐精髓厚

撈蝦飭蟹地一隅

風雅誰知聚

淵藪况聞鮑妹材竝誇

令妹碧雲女史有愛蘭集倚世

銀毫緗帙輝朝霞吳中能

詩十女士高格欲鬪徐昭華敦盤獨奉愛蘭集封箋酬韻飛小槎

集中多閨秀詩文故及之

此卷來時開函濕疑有秋潮破窗入三千里外與飛

揚文字精靈感呼吸京口對月只酣眠昔游鹵莽悔何及

秋有京

山對月飲酒前後十首

梁園司馬倦歸早二室三川同調少見茲急欲寧棹

尋可惜容顏已衰老如之每見長歎息肩置巾箱作鴻寶昨宵夢

繞大江水青虬騎出滄溟褰何人指我翠屏洲戶列八公與九子

相迎似是蘆中仙把酒論文各驚喜覺來汗漫爲長歌奇區久負  
將若何瀟湘十月飛鴻多人生何必泛浣花溪入輞川谷寄君詩  
句作神交亦足

題朱礪東紅蘭受露圖

湘靈嶽帝不得慳幽芳千里江迴環自從包山詩客至盡收竹柏  
高齋間近來愛寫紅蘭趣冉冉菲菲含曉露竇愛天傾赤玉漿靈  
通肺腑揮毫助仰扇縱橫俯紙鋪家家散滿零珊瑚不知九畹叢  
中色紉佩瓊瑤似此無研朱浣墨香欲滴自捲巾箱自憐惜昨宵  
紅雨岸花飛定有花神來送客

丙辰除夕念兒世津鄂江途中

風水歸程滯倚門望正頻兒曹能努力老病久閒身林炬騰光遠  
燈花示喜新延齡有佳酒攜及介眉春

題雲間瞿少白汀洲搴杜圖

雲英英兮湘流春露團兮被洲紛滋榮兮杜若超紅蘅兮白蘋桂  
楫兮蓀橈誰容與兮江之皋曰詞人兮三泖客緬脩能兮懷何極  
葳蕤兮華英芳菲兮其予迎雖邇迴兮奚辭契幽思兮深情蓉裳  
兮蕙帶古翠溼兮叢藹望芝旗兮悅來風翩翩兮倏而逝沿流采  
兮忘歸煙水空濛兮鸞鷖飛纓吾珮兮繫吾衣抱貞誠兮彼美知  
聞歌聲兮別浦對淪漪兮無語吾將貽兮遠者聊作圖兮延佇

書吳橡卹沅州忠烈祠詩後

愁霖天掃開晨曦吳君來示神絃辭翠蕤雲旂出恍忽使我遙拜  
沅州祠渭臺偉人唐義士行間如見真鬚眉袖揮金椎紫電掣鬼  
雄擁戟隨登陴峒酋膽喪鳥獸散此豈不賴神扶持英魂毅魄在  
天下如水行地無已時願聞上帝特褒異賜以祝融朱鳥旗

見南嶽志

巖疆保障赫異代已足快洗睢陽悲昔隨南八好男兒賀蘭筵上  
雙指封三十二人殉城下碧血四湧奔虎豹嗟哉青史一脫略真  
名本貫參差疑君能好古爲考訂兼獲衡陽題壁詩補之郡乘得  
確據濡以大筆何淋漓前年溪蠻肆煽亂沅城咫尺無敢窺得非  
威靈坐叱咤金戈鐵馬時驅馳方今秦蜀尙蟻聚願神慷慨提陰  
師佐我

天子盡芟夷報功崇德無窮期

和朱礪東見寄詩元韻

湖山堂中風雅豪病起灑墨臨蘭皋聞之腰腳頓躍起晴莎獨踏  
城西郊岸花詩社久寂寞吾邑前輩有岸花詩社在城東齋名松竹新誅莠喜來  
奇士促膝坐不用折柬招邀勞謂黃清言那能及世事正聲直欲  
追離騷蒼茫意氣倏膠漆飲啖不記何佳肴寄我長句劇騰擲震

澤飛湧湘江濤凍雲連街不敢墮翩然一鶴冲長霄更聞歲寒有  
良會紙窗待月紅梅插說詩說劍語奇重再來格調誰爭高詩  
有與

附說詩如說劍  
之句最奇崛

### 愛蓮堂同人看牡丹限韻二首

卅年不記舊時妝新爲看花上此堂清絕湖山逢上巳窈深風雨  
護濃香半堆繡被繁枝穩交倚雕闌浩態狂絲筆自慚才久盡  
君合詠紫霓裳

洛下尋花興久微繁英故里未全非仍將老眼過紅紫莫向春風  
驗瘦肥綠酒縱橫交豔墨珠燈錯落簇深幃主人大有淋漓與紙  
雨催更未肯歸

### 采芝曲爲黃岳洲題

不必長鑱鉏何辜木斧斲蒼龍耕地餘委綬在雲壑解朝采白玉

肪暮采赤珊瑚傲彼長耳翁絳囊紫茸蒲解二瓊枝騷人饒瑶艸仙  
子拾欲駐慈親顏卽是天韭汁解三游子在天涯每食思萱闥手塞  
九光英用報三春暉解四

礪東主人病起將歸太湖同人集一百四十四峯山房作歌

靈威丈人招子將歸去祝融神君畱子且小住壯哉一百四十四  
峯之山房鈎錯地肺幅衡湘芙蓉合沓笠澤光東西煙靄遙相望  
中有紫鸞元鶴交翺翔主人四壁羅古香書畫舫懸琴劍囊手提  
風雅招儔輩共挾空翠爲徜徉忽如遇銀房玉柱之縹緲旋如見  
珠宮絳闕之輝煌還乘霓車與風馬直看曉日騰扶桑瀆茶噴火  
梅苞坼水仙欲出彈瑤瑟東風暄艸雪變碧歲華將晚晚可惜良  
友欲別別不得驅山走海各作歌帶醉伸箋吐奇魄坐中城東一

老翁九萬餘里多遊蹤太行王屋連少嵩匡廬穴與羅浮通明年  
不訪茅盈去便觀瀑布芙蓉峯黃鵠方圓見一舉斤鵠蓬蒿何足  
數夸娥移負或不能芥子須彌納誰阻人生山川朋友大性情一  
室要令爭萬古主人笑理遊子衣老翁蠟屐遲春暉三江浩淼花  
雨肥看子東下帆如飛

星沙僧廬喜晤吳子橡村將移幕衡州贈詩二章依韻奉

酬

雪洗南天郭氣清僧廬茲遇快生平已知接跡三湘路休問抽帆  
幾日程海霧塞塵曾入夢澗蘭沅芷近多情去歲由慈利  
幕移芷江詩人位  
置宜名嶽况是波瀾獨老成

萬里飛書每注存聞風真令薄夫敦文章海內誰生死劉牧君先  
生下世已

十餘年

今古樽前尚討論道氣芝眉貧不減材名蓮幕老彌尊相望

便作雲龍逐鴻爪隨他一點痕

題礪東畫冊二首

飛泉無遠近流出白雲深獨坐孤亭裏悠然太古心芷蘭紛秀色  
松竹助清吟卽此多幽趣高源不可尋

江山不厭遲秀色出清眺百丈足壺緣曲折勢排冪晴翠落氛氲  
天水互照耀石伏波轉清巖懸樹彌峭聞鐘知近寺拂花驚鳥噪  
長帆波浪飛壯只寫大要迂迴詩境濃靜者領其妙

朱三礪東自星沙賈傳祠移寓金陵別業寄詩一首卽步

元韻

詩人去住那論年知子歸心慙弛弦數武名祠仍好伴

別業與祠相去亦甚

近一龕彌勒更相憐短帆獨轉青楓岸舊社重辜紫菊筵來雁樓  
頭還憶否尺書引領淦江天

時余將之  
臨陵書院

題周坦廬明府觀潮小照二首

當年望日祝融峯，此際觀潮近五茸。  
天擁金鼇浮島麗，城飛紫氣映霞濃。  
木華雄賦皆歸手，宗慤長風更盪胸。  
遙識淡煙疏柳外，令公仙舄步從容。

錢王強弩射鯨鼉，吳越長塘綫縷多。  
公事清游成勝跡，耄夫振筆唱新歌。  
圖收沙汭千雲錦，夢繞蓬萊一黛螺。  
我亦虎門看浴日，十年回首興如何。

題朱礪東角里歸帆圖爲王小摩作

家拭注角音  
錄作角非

人生快事還鄉去，千里輕帆飛不住。  
帶將七澤九江雪，直拂包山翠深處。  
推篷咫尺角里家，長松茂樹紛周遮。  
五年惆悵入魂夢，一日踴躍開煙霞。  
湖天船舫風收靜，漁唱皆觀聽黃梅。  
時雨秧針肥，山中雞犬羣相迎。  
丈人對客語方長，檢書前月離瀟湘。  
忽聞

柴門鳥雀噪平頭。奴子擎巾箱。膝前撫摩看顏色。快呼婦孺泊樽觴。家庭行樂樂未央。圖中興采何飛揚。王郎留滯歸未得。作圖別贈情何極。他時自作畫中人。寄聲先倩新歸客。

和翁覃溪學士兒航歸趙歌應趙韓軒邑侯索

賢侯示我兒航圖。索和兒航歸趙歌。此歌覃溪學使作。崇論雄辨奔江河。此航君家之故物。滄桑浩劫曾經過。昔讀竹垞老人句。徹銀鑿落金叵羅。黃陳遞授未暇考。流傳但述張與何。後來藏弄顏氏宅。綈錦什襲理則那。耆庭先生思祖德。赤心求索雙鬢皤。誠通夢寐千里合。茫茫蠡澤踏蛟鼉。學使高義勤感致。珠還璧返非差訛。一航之微重九鼎。日精星彩誰銷磨。當時僚友及師弟。展轉投贈聲相和。剖心碎骨事雖別。光芒大節同嵯峨。文羊一角色不漱。天以冰雪爲切磁。燈前手底忽躍出。真有神物潛攜呵。古來製器

子孫寶丁舉之爵嘉仲盍纖兒磨礪買胡搜雲煙過眼何其多景  
山酒鑄私物耳安得餘瀝畱香螺豈如此觥遭逢異純臣碩彥爭  
吟哦我誦銘詞每神往裏糧欲到虞山阿開緘杯棬珍口澤奉以  
爲壽傾金波君家德業昌未艾范硯魏笏今同科教忠教孝請視  
此更千百世長摩挲

穀雨前三日黃岱州招同人物我軒看牡丹分韻得高字  
金庭別館淨蘭皋雁檣移廚未憚勞天半陰晴花氣候地聯吳楚  
客雄豪當簷更飮叢香近飛盞何知酒價高卻爲牡丹頻出郭路  
人傳說豔吾曹

### 小蟾窟歌

季脩內姪於書屋舊軒前種丹桂一樹小室規月爲門  
對之中秋花甚濃郁余題其門曰小蟾窟因放筆作歌

升天梯不可越。貫月槎那得。猝撥開怪雨。與癡雲來坐。君家小蟾窟。美君借玉斧。脩此團圞門。費君耕蒼龍種。此蚶膠根。珊瑚交枝。火齊簇。當中湧出琉璃盆。似聞姁娥倩桂父。搗玉杵漿。灌金瑤汁。爲君孕毓芳子孫。蜃室深。畫屏曲。雕欄引往而復。瑤臺翠殿。何杳茫。獨占人間私豔福。左攜孺人。右挈稚子。糝粟霏。盃出輪滴。髓軟玉油牋。鋪樂几角。詩鬪曲香。四起指磨明鏡。叱奔墓。風鵲露蛩。靜如洗。我欲聞環珮聲。素鸞彩鳳。空淒清。我欲聽紫雲迴霓裳。羽衣安在哉。酌君酒。爲君歌。長願年年對此月。坐此窟。撫此柯。快哉尊前白髮起舞影婆娑。

謝季脩內姪惠鰯魚

北固樓前出網圓。鬱金香熟恰停船。自尋洛鯉伊魴去。辜負江鮮十二年。

中秋家園待月

待月遲愈好秋圓恰在家  
杯盤安撲邀兒女喜喧譁  
徙座催雲斂微暝倚桂斜  
應憐三十載長只照天涯

題沈以耕乘槎圖

人生何者稱快意筆墨空靈事遊戲  
誰歟作此乘槎圖精神飛揚出天地  
飄然一朶青蓮花重溟萬里浮無涯  
蒼龍頭角鯨鬚牙太古錦繡苔鬚髮  
逍遙容與一騷客獨來獨往隨幽遐  
文禽翠鳥爲前導九衢秀鬚生奇葩  
蓬萊仙人列如麻挂星貫月交杈枒  
招邀酣嬉恣飲譙鸞笙吹兮鼉鼓撾  
吸帝臺之漿餐赤城之霞何必尋  
源思犯斗牛去支機乞取天孫家  
紛吾汗漫游未已不繫之舟常自擬  
老見茲圖膽猶麤縋腰束臂胡爲乎  
狂言與子傾一石疑聽天風海濤浩  
浩鳴虛壁

己未除夕自遣示兒輩

詩篇不用補精神羊脯分餐祀寵辰世態醉揮天界潤年光靜轉  
物華新清貧甘守隨鴟嚇魂夢長恬任犬狺爲語兒曹須作達更  
將忠信自持身

放歌題朱礪東所藏鄭南溪倣黃瘦瓢壽星圖

老人星勸

他本  
作歡

汝一斗酒上帝命汝高纏三辰主天下壽考

州丙

丁見南方冠笏朝北斗開元置壇嘉祐飲醴胡不望東海別岫嶼  
御風行挾雲走包山之陽角里村有隱君子兮黃眉丹頰紺鬢而  
黑首商皓爲朋鮑姑作偶願汝大開黃潤以照之使彼緣督經延  
德厚含飴弄曾孫提壺玩花柳青簡笑擲張碩家丹砂敬謝麻姑  
手湖山詩客吾好友今攜汝圖歸獻高堂介親壽錦纈彩服幔流  
蘇香熏百合拜子婦楊梅盧橘堆玉盤吹笙鏘管搖銀藕吾將捲

三萬頃煙波盡化洞庭春使汝快吸長鯨口是誰作汝圖龔易子  
太怪醜趙千里亦矯揉欲知風神再出崔道母癭瓢子作前南溪  
生倣後歌以傳之大醉陶園叟

庚申八十初度書懷六首

穿衣喫飯總隨緣不覺身登耄耋年燈下觀書非澁眼窗前對鏡  
有華顏祇妨硬餅牙難截仍快柔豪手可旋盛世長容蒲柳質感  
恩何以答

皇天

六十年來海內名老無尺牘報公卿嫁衣繡綾貧猶壓買賦黃金  
計不贏心血到今方自惜頭顱如許欲誰爭一經惟冀傳孫子早  
晚簪豪上

帝京

半是豪夫半病夫浮生吾自見真吾鏡當淬後光偏耀劍出磨時  
氣更龕幾見經神爲引導有時藥餌也持扶戶樞流水前人語乞  
得勤勞作壽符

一行作吏墮塵緣悞我窮經十八年永晝誰銷惟誦讀枯心難竭  
尙鑽研收羅卷帙飄零後補綴文章浩劫前時輯三憂患影泡都

歷盡含毫俯仰獨怡然

故人憐我遠驅馳勸返鄉閭作熟師謂畢秋帆姜杜香兩尙書後輩英賢成亦

易兒曹甘旨近尤宜河山夢繞中甘里風雨神游漢闕碑齊數四姪現宰

鹽貨距洛陽咫尺最憶洛都逢盛會生徒花底鬪金卮洛下每逢覽揆日諸生載酒賞花郊

寺數日

娛觴軒接小書巢高闢蟪窗紙字鈔娛觴軒小書巢開齋皆新葺兒女娛觴禽

亦樂會孫聯句韻頻敲風和腰膝遲巡榭秋爽魚蝦滑入肴署得

岸花亭長未也沽山酒構行庖

題畫

百頃風漪樹列屏濕銀螺裏著荇亭瑤琴鼓罷雲飛盡正好高談  
相鶴經

翠蓋紅衣一桁鮮夕陽小艇到朋簋人間何者清涼福此地思維  
四十年

雒陽舊豔名園記山水淨滋無此鄉今日江南想風景定知粉本  
乞仇唐

湘潭劉烈女行

鯨鯢蟠山海倒翻斗門烽火交金門此邦紀綱久隳壞恬熙培克  
牟利昏神人嗟怨大盜起宵旰之憂貽

至尊偉哉湘潭劉烈女厄丁慘變來羈旅蒿目空悲時事艱規言

不救人心苦  
雷庭怒罵賊虎狼叢裏奮奇魄浩氣□□保冰  
軀粉骨洞胸甯足惜長虹下掃罡風厲血爲臺灣汚天地崑岡玉  
碎鳳皇啼淵泉珠泐蛟龍淚

王師奮怒下澎湖樓船萬隊海若趨元兇膽破思逃遁縛之不啻  
羊與豬上公飛箋表貞魄

天子覽之三歎息

龍章褒美降無諸綽楔崇祠何赫艷豈惟崇祠峙海國湘日衡雲  
皆壯色恨不生爲男子身蚤爲君王靖疆場

和靜山邑侯元唱時集鳳竹菴賞桂花兼柬同人二首

名花自黃嶽盤鬱作詞塲仙吏一以至佛雲從此香心爲攀折惜  
客任醉呼狂題罷琳宮壁天風下杳茫

尙憶維摩室天花作道塲

寺中舊有字本章詩名吳越以苦孤根  
行修路古蹟泮木堂其手創也

千劫外。一夕百年香色界。懸仙手。吟哦媿老狂。何時借灑掃石徑。未微茫。

季修內姪招飲 一首見前

風光吳越一生憐。座有論文便躍然。舊雨來兼新雨客。仲春寒過  
早春天。看揮白石淋漓曲。心菴立和余海棠詞細聽玲瓏拉雜絃。一日好緣  
莫辜負明朝。又上淞江船。

男聲如泰沃  
姪有普孫啓  
字豐校字  
裕幹  
光

紫峴山人詩集卷二十六

湘潭張九鉞度西著

姪孫家棧重刊

歸湘集下

嘉慶辛酉至癸亥

恭題曾伯祖前明都督公遺照二首

北邱係

故國山河盡空餘血戰身  
鐵衣拋涕淚緇服寄艱辛  
寥落勤王事  
倉皇避地人

聖朝容散逸劫外有孤臣

投體甯枯寂完身任去來  
仍然騰浩氣誰得狀靈臺  
代以孤忠繫  
天教後緒開百年思祖德  
慚乏闡揚才

舟行雨中望昭山

湧出綠雲鬢迷濛煙雨間  
江聲千里合樹色兩洲環  
曲岸遙相引  
丹梯未許攀詩人今老去  
圖畫看荆關

秋日泝湘二首

行盡山水窟未知秋色妍今朝好晴霽恰上湘江船  
倘悅記前境澄鮮開遠天漁歌起何處九曲落帆前

金碧作天水四維雲樹空山因平出黛浦以折柔風  
鴉帶殘陽閃魚穿亂荇通歸時徐曳櫓取次看丹楓

思嶽

嶽翠壓帆重當年入粵行煙嵐常入夢雲水近多情  
落落倦爲客悠悠慚競名將尋祝融頂採藥樂餘生

鑿石浦杜陵艸堂下作

深潭峭壁蕩浮塵嶽影環祠極有神萬古湖南畱客地  
一宵江上繫舟人亂離恩惠平生少憂患文章歷劫新  
自拜尸鄉遺墓後徘徊還向舊湘濱

先嚴湘楓十二竹枝詞有津口雲帆一曲蓋取少陵過津

口詩雲帆楓樹林句也新安江子行九曾寫入冊余過此有感口占二絕

津口雲帆楓樹林老親寫作竹枝音漁歌可是舊時調唱入月明  
湘水深

西吳游宦十經過江岸維舟夕照多五十餘年兒女夢教人無奈  
白頭何

朱礪東招同人集湖山亭堂作祭詩會

戶迎蕢燭易門丞寵列黃羊乞利市錢刀袞袞開不休誰向蕭閒  
作詩會朱君風雅爲性情湖山吟社時招致生辰已過玉局仙公坡  
生辰以黃心祭詩特倣長江尉無本膽大勇往能姦變雖得平澹  
庵未歸不果未當時不遇大尹公窮死浮屠亦何悔應奉昌黎一瓣香歲終長

作先河祭胡爲敝帚享以金豈其自嘲還自慰讀君一卷伏枕吟  
鼓盪天機運浩氣詎須酒脯補勞神但紀歲華脩韻事惇飭憾徂  
地火溫樺燭搖窗蘭蕊綴老耽大哉與餽飭口吸長川揮巨觥空  
中招出瘦島來休飲寒泉共飽醉四座闕然拍手歌銅在紅梅驚  
墜地

題朱礪東湖山艸堂圖六首

吳鄉與楚鄉隨地足徜徉近水宜添檻環山好築堂尊盃羅棐几  
圖史壓繩床西閣東屯蹟何曾滯一方

騰空七二峯天水浸芙蓉夢繞三千里身居第幾重靈威聞舊貯  
峒嶺問新逢誰識塵闌裏逍遙出異蹤

江富紅蘭水天開紫葯房幽人自風雨古意滿瀟湘星燦焦桐色

冰懸寶鐲裝合看朱叔子重繪讀書堂

宋朱叔子有讀書堂在中峽

煙柳堤雙引春波每到門嶼通舫路月漲釣磯痕訪寺高緣磴  
尋花曲繞邨與余聯襟處恁恍畫中論

結納平生事求羊徑屢開花香綠酒重帆小載詩來雨韭隨時剪  
霞箋任意裁且須商蠟屐同踏翠雲堆

零陵老太守筆意似倪迂竹樹空諸有煙雲澹欲無達人觀化境  
靜者得清娛攜向包山展還思舊釣徒

君今年將歸太湖

### 題徐雲岑西樵圖

白雲瀾漫谷不封曉霜破碎青芙蓉是誰腰斧躡芒履懸崖一綫  
緣龍從包山林屋深迴互落葉荒谿鹿行路欲把琅玕伐作薪玉  
柱銀房不知處乾枝朽節紛爬梳身穿猿鶴行紆徐斜陽荷擔長  
歌返山翠盈頭香襲裾知君逸興爲孤往爛柯那作神仙想有時  
直踏萬峯巔劃然長嘯湖天朗展看行卷識君顏掃苔坐石何蕭

閒呼僮莫雜松花爨恐有琴材寄此間

董恆崑觀察芝龕記題辭十首

三朝疆場壞何人黔蜀蠻司盡犬狝不是秦家女豪傑誰知大義有君臣

手戮鯨鯢轉戰孤勤王萬里奮長戈可憐不上凌煙閣繪出金鏐繡鎧圖

天子題詩策戰勲錦衣親賜女將軍四川營裏宵風雨畫角金鐃髣髴聞

單鞭怒奪父屍還黃虎奔逃血灑殷九品蓮花天證果又看奇媛出人間

夫櫓親扶海上歸麻衣如雪換戎衣人從斑竹巖前望猶見蟠空

鐵騎飛

康熙年間沈女帥以陰兵驅山賊見道州志

何須生恨不爲男  
遁帥降藩見此慚  
譬合珠聯一時事  
香風九統石芝龕

滅賊誅姦志未償  
銜哀飲恨事堪傷  
何如直奮書生筆  
斧鑕淋漓快劇場

錦車錦繖紀封崇  
娘子軍曾立大功  
可有銅琶和鐵笛  
新詞撰合兩英雄

艸野偏多奮義聲  
紅粧報國快捐生  
衝戈亦有長沙女  
可惜匆匆失姓名

余嘗擬撰雙虹碧傳奇中有長沙女子殺賊事一齣記中先述及之

滋蘭堂上月流波  
紅燭當筵簇綺羅  
老去何堪雖散盡  
重繙舊譜欲徵歌

甲戌會於外舅梁氏滋蘭堂觀演茲記十二齣填金縷曲一闕紀事

### 題岸花送別圖送朱礪東歸太湖四首

吳客富性情  
楚人重離別  
何況垂老交  
肝腸爲余熱  
團筵樹移陰

譚藝燭見跋湖山風雅地偶隔卽饑渴黃君先他之謂黃子復理  
歸世靜思聚散緣悵悵不能說得非見始終天予以契濶休計合  
并期但矢寸心結薄酒豈不歡罄此青絲挈天空積雨收湘春夜  
流月各吟河梁篇坐待明晨發

濡滯豈無因踴躍今真歸極知望雪切計日拜親闈相與立渡頭  
看子輕帆飛鶯聲柳濛濛江重桃花肥安穩圖畫行朝霞遲夕霏  
風日太湖美包山認崔巍香湖送到門稚子候釣磯酹鞠脰進  
兩行皆斑衣篋中出詩卷親顏爲之怡所交賢豪間仍是杜德機  
寶身兼寶名已足報春暉笑彼塵中士但羨紫與緋

少陵過潭州曉吟岸花句邑人建孤亭詩社溯遙慕千年花仍飛  
艸荒不知路送子合此間衡湘莽回互前後共傷神慷慨懷賈傅

予客星沙常  
居賈傅祠

王君繪作圖中有文通賦一髮江南山渺渺接雲樹

歸展陶峴舟墨痕出縑素濃雨與澹煙是子銷魂處

我昔尋梅花五醉虎山酒琴臺望蒼茫笠澤湧臂肘青鞵誰提攜  
故人散已久夢裏上吳船隨子香溪口子歸承歡暇皮陸多詩友  
選勝相招邀茶甌猶在否銅坑瓊雪深鄧尉紅霞厚碧波似瀟湘  
長堤卽煙柳東水西流魚尺素亦非偶風雨雞聲中爲我一回首

朱礪東舟中戲作欸乃歌四章贈行

君欲行夷猶兮欸乃青楓渺渺猿愁兮欸乃齊使柳條綰君舟兮  
欸乃肴載俎醕盈甌兮欸乃湘君鼓瑟如作謳兮欸乃願君少畱  
兮欸乃

君行不畱兮欸乃珂戛大艫在中流兮欸乃鐵鹿轉帆齊努力兮  
欸乃榜師伐鼓聲逢逢急兮欸乃望君不見使我心慙兮欸乃  
紅蘭辭湘不語兮欸乃美人翩然舉而去兮欸乃菡萏離杜惋相

顧兮欸乃吳山深深鬱嶮嶮兮欸乃君來何時兮欸乃望君不見  
吹參差兮欸乃夕陽冥冥誰立此涯兮欸乃  
橫江風浪惡兮欸乃君無屏營兮欸乃明珠玉佩遺君兮欸乃繫  
君之袂兮欸乃蛟龍捧船鶴高翔兮欸乃願君安穩涉此津兮欸  
乃

題家橘洲十二兄遺照

兄昔丁酉秋艤舟滕王閣風雨似彭城握手快吟噉杖履看往還  
吳越翩一鶴行筇游什多江海入疏瀹從此雁行分南北天寥廓  
兄舉七袞觴余時滯嵩洛欲附耆英詩難踐偕釣約傷哉歲敦牂  
灑淚望東郭二惠慚競爽一个嗟又弱歸來池州荒無復快酬酢  
門生歌虎邱一作藝苑存矩矱世多蜩螗鳴安不思韶濩小阮出  
道容整裾拜恭恪竹韻與松濤蕭然別寄托逸情在雲霞雅量豈

邱壑如直朶殿班丹心傾葵藿如麗星罕行雄賦追楊柞如草承  
明廬風流咏紅藥如提文昌柄網羅聲珠珞如入政事堂長揖辭  
蹇諤如揚繡服恩蜀道駐油幕儀度臨清華精神動鋒鏑又如益  
州箋揮灑氣磅礴回憶香桂園兄弟別墅花朝奏笙簫綠酒映紅燈皓  
月凝林薄集久傳連珠卷亦誦花萼只今牡丹開恁恍猶共酌膝  
前侍立者人羨小坡若勗哉先型在梓材勤丹蘄廬陵家本圖鬚  
眉尙如昨文章舊聲名光醖懸衡嶽

題寫飛魚躍圖

佛言生與滅莊言成與虧其趣太詭譎其語益支離動中活潑趣  
獨許吾徒窺鰭魚本微物飛躍甯有期細縕而化醇一氣聚散之  
水流與花開空山皆化機塊然太虛中隨處道在斯香溫茶熟時  
展帙心自怡

畢節婦張貞女詩

長沙廣文先生有佳兒神駒汗血精神奇芝英咀嚼瓊華噉胡天  
忍挫折緋衣持版奪取之郎西大令女婉孌居深閨十三學織紉  
十五能文詞清門締絲蘿納徵已有期一朝罹凶變呼搶面爲勢  
誓將從黃泉大事當屬誰未成爲婦闋迂議毅然矢志剛不移頻  
鉛華拋文綦籠布髮垂箭筈鯨湖浪號天橘洲黑雲垂鬢髮迎青  
盧踉蹌赴素幃以頭觸棺血淋漓緇緇林駭歎爲涕洟登堂拜尊章  
慷慨前致辭老人進餐請忽悲膝下兒去婦在斯大婦中婦班行  
隨朝擎脰脩暮盤匱作書寄地下妾今不死君維持妾有心君鑒  
茲君有心妾代爲撫姪爲嗣禮則宜人云似君犀角姿案頭手澤  
書匱勉事攻治篋中拋棄文心血炯炯猶昔時阿翁三楚大儒師  
弟子經術皆田施趨庭再傳禮與詩折夔畫荻不待私君墓應長

丹桂枝吁嗟蒿簪與萑衣勁如松栢堅卷施餐荼茹蘗誰則窺冰  
寒月冷祇自知將入中壘傳將鐫梁武碑將繪禮宗圖天書赫施  
懸其楣我今擬爲長短樂府韻音節磊落格不卑以聞風化重倫  
彝那用一絃一淚絙之寡女絲

題俞青山勝攬圖

蔚藍天金碧水雲霏羅霞散綺愁絃彈出鏡空明九面蒲帆轉千  
里吾家舊有湘楓圖

先君青風滿齋相圖三十六幀

展面瞬息江與湖飢軀一別

二十載河塵海霧胡爲乎歸來舊遊續不得思親空對案頭冊江

花江鳥笑於人又作獨浮山下客俞君來示湖山卷高館幽窗幾

回見江城渺渺樹濛濛曲澹逶迤點崇巘畫師不識識筆姿非學

戴文進卽是米元暉墨痕濃澹縱真趣恂怳煙雨交迷離卷首橫

書吾老友

謂蓮心太守

欲往從之隔九疑人生不作頑仙與癡佛有分

釣竿是何物徒然束臂抱殘書老學處禪蟻與蝨對此麻茶倦眼  
開疑有志和呼欲出短囊破笠吾辦久青草扁舟落吾手約君湘  
尾溯湘頭負卻桃花荻花有陶公池畔見朱三謂朱爲問攜琴偕  
去否

題朱礪東咏梅圖

澹日疎叢雪後看香垂翠袖耐輕寒空山詩境天教取不凭高樓  
白玉欄

腸胃文章欲吐時九英光裏態離披梅花原不會寒儉丹笠紅衫  
欲讓誰

輓楊湘巖司鐸

餓鴟風叫雲垂墨騎驢訪子銅街側酒酣怒叱幽并兒狂歌起舞  
拓金戟成均都講慚余老楚軍得子翻旗旄前後詞壇跋扈人雄

篇揮灑羣驚倒江湖旅食三十年壯志銷磨鬢皓然聞子黃金亦  
散盡出都自抱寒青種用舍文章分虎鼠始終儔輩誰蛩駘材名  
沈鬱更魁奇棹鞅儒林獨標舉瀟湘衡嶽多靈芬花枝覆座酒灑  
巾有妻有妾皆能文清閨樂事誰不欣龍蛇之運丁何促鬼雨瀟  
瀟打芭蕉弟子空聽曳杖悲孤兒相抱遺經哭黃山詩豪歌七歌  
歌終四座偕滂沱謂黃心菴朱君厚賻兼哀誄笛聲慘裂秋江波謂朱東  
人間友誼死不磨摧才之天將奈何我亦無言淚盈把同是窮愁  
著書者

題王小摩所畫千巖競秀長卷

王君畫法承家學近來能自出機軸素練三丈掃如空結構精嚴  
魄力足羅浮玉笥地肺連武夷九曲深溯沿筍矸虛無黃河几  
席往往聞流泉三壺白雲繞衣帶上有碧玉巢神仙青松紅栢不

知極一一飛接洪濛天初疑扶筇無路達漸見樓閣迤邐懸長虹  
隱現羣峭外風帆沙鳥兼汀煙不知一室闕闕內何以身與靈氣  
相周旋層巒向背黛深淺各不相似雄且妍生平壯遊幾萬里一  
遇名山便栖止縋腰束臂四年餘杳然忽入丹青裏當時扁舟費  
孤往今日展圖卽蕭爽香溫茶熟一追尋好乞蕭齋作供養

題李邑侯絅庵小照四首之一

游獵

風驟五花駒餓鴟矢叫呼連岡雲委積壓擔錦模糊作賦推雄手  
安邊裕壯謨願驅貔虎隊掃賊耀天弧

吳水雲倣戴嵩出牧圖便面爲內姪梁季脩題

春江浩瀾煙濛濛芳莎兩岸連花叢柳條搓黃燕銜紅笛聲吹落  
牛背風是誰作畫倣戴嵩牛螺人豆巧且工神出筆外力筆中水

雲老友曾爲此飛入君之懷袖裏君今深山方讀禮大田力耕脩  
禮祀賢哉對挽鹿車人衣仙女史仙乎偕隱牽犢子吾聞牧牛之理通  
牧民擾牛不驚貴在馴伺其飢飽任陟降如養民力全耕耘古人  
讀書思用世一官一邑籌民事甯戚牛經傳五穀齊民要術非輕  
寶他年受牛求牧芻治民本此出牧圖毋徒日賦田家詩句同王  
儲

題朱礪東畫蘭

公孫大娘舞劍器顛旭得之爲艸書朱君兼二妙寫作幽蘭圖縱  
橫豈有形與模天工人巧各不居湘妃愁春隔煙水古雲含雨一  
千里蜺裳玉佩慵斜倚來降紙窗素瓷裏對之微笑忽通靈澹無  
言說天純青心苞意夢謝俗墨九畹闢盡畦與町我欲置之九疑  
之巔四千丈不可采兮但遙望

題朱礪東吳門送別圖六首

名士由來重別離，吳中風雅地尤宜。  
斜陽紅樹人千里，染出濃情似此時。

賸得浮生一病身，舊游回首每傷神。  
喜君幾葉輕帆卸，載滿雲山與故人。

岸花亭子艸園香，費我江頭四載望。  
天爲湖山詩社續，又尋圖書到瀟湘。

礪東歸吳中同人各餞以詩王小摩作岸花送別圖

鄂城三叟劇流連，謂蓮心雪酒冷香銷十七年。  
卻借墨痕聯紙上，

濃如春雨澹如煙。予詩附二公後蓮心寄語也

蔡子晴川灑淚分，相思夢入少松雲。  
無由報我三花寄，手捧瑤箋

一拜君。蔡芷衫托礪東寄余詩札爲下拜

老矣豪情尙未除，大江浮棹問何如。  
在維中寄蔡芷衫詩有時憑浮大江棹一訪治城山句憑

君寄訊神交者可有新詩慰索居

謂卷中袁簡齋方子和二公

題吳中袁節母竹栢樓居圖歌

竹栢之樓渺何許東望支硎岸粵空煙雨我聞袁家節母此樓居  
足不下梯歲十五蘆簾繆幕深深垂孤雛在襁慈烏哺兒已成立  
有室家慷慨從夫歸后土皋魚慘泣想音容欲借丹青將恨補詞  
人女史萃爲圖調鉛殺粉皆淒楚朱君攜示城西齋謂礪東晨興洮  
手襍礪開湘江六月慘冰雪突兀疑築懷清臺不知此樓環溪面  
嶂翠幾疊惟見虬挐鳳舞中有商飈撼撼從之來當年卷軸刀尺  
與機杼白雲靜掃無纖埃瑤妃紅淚爲重染鼓瑟更奏離鸞哀我  
未識袁君展圖感考思芳聲懿嫗播藝林珠玉堆仍錦文織旌廬  
綽楔龍蹠踞此樓亦與撐天地欲觀端州太守第三圖樓中訓課  
子女趨別有栢香竹影交扶疏

同年香亭太守別圖西莊光祿題長短句樂府

題鳳竹菴遜如上人小照

鳳竹名蘭若詩僧接跡多

緯雲尊宿詩名播吳越與先君唱酬最密上人亦能詩

園亭脫塵

濁山水得清和社已空匡嶽花仍長曼陀西歸愁隻履遺範在山河

十年不出院趺坐一龕空法器金剛在脩爲面壁同傳衣畱勝地

暨脊有宗風

謂心

試看真如現神傳阿堵中

送吳生半江之粵西學使幕三首

材華本自冠同儕聞見應須擴遠游秀石千盤騰地起靈渠兩綫界天流蠻花峒鳥隨時識邊冊夷情得暇收忠信憑教衝瘴癘遐荒努力飽糲羞

簪豪正喜倚騷壇况復憐才雅量寬

謂錢裴山先生

學士文章羅幕府考

功詩畫滿長安盈舟爭羨儲圖籍十步宜勤擷蕙蘭定有聚星酬

唱富蠶箋分寄老翁看

小舟推挽任迂遲  
滌研篷窗靜亦宜  
浦外天含金碧色  
嶽中秋豔水雲姿  
搜尋駱越靈鼉鼓  
拂拭羅池荔子碑  
合與能詩湯從事  
謂南豐門人湯元酒酣橫筆騁妍辭

酬吳稼邨之桂林過訪畱別之作卽寄二首

春江巨漲拍天浮  
又挾琴書入桂州  
世局驟將身事變  
詞壇獨喜姓名畱  
舊游蠟屐資探溯  
賢主朋筵足唱酬  
謂李松垂老雖貧歸亦得明年佇立望行舟  
君擬明年歸越迂道湘南賦別

記誦瑤音少室山  
天門每恨不同攀  
誰知蹤跡三湘接  
恰直衰庸萬里還  
行次應畱詩帙訂  
病餘相驗鬢毛斑  
今宵轉憶初逢地  
雪壓梅花大庾關

寄南豐門人湯元珪粵西學使幕

夷山夜雪深三尺痛飲狂歌大河白衝飈驟轉勞塵飛茫茫南北  
無消息倦游我已還鄉閭子提禿管仍饑驅吳子嶺嶠匆匆返  
喜開函見手書吾邑吳生牛江同客幕中有材如子尙慙軻得無鬱鬱壘中居  
思公聲望若鸞鳳中外士林盡謳誦錢斐玉尺量材使節隆八  
桂堂開趨者眾吾曹幕府慎所殺茲行足令文章重邊隅何地無  
秀特翠羽丹砂當不得酬知敬慎事非輕貴以虛懷佐決擇研經  
鍊史緒論多親炙休光況朝夕尋常矩矱何足論百萬層梯會當  
躡海霧河冰卅載間亦知天遠合并難衰年心爲師生熱倚杖還  
將南斗看

送陳澤齋少尹解組歸里二首

家世文章錦繡輝一官小就念民依稻豐墉櫛奸無擾花滿庭堦  
訟亦稀暇日常招傾蓋語此行眞著遂初衣蠟珠硯玉看盈膝雅

稱清風兩袖歸

桃花漲後片帆柔一路看山返秀州  
鱖舍魚莊尋舊蹟幅巾藜杖  
作閒游蘇洵坐尙千人仰荀令香知滿邑  
留獨有鴨堂豪飲客碧  
雲東望起離愁

題蕊仙姪孫家榜咏梅圖兼寄豫省示櫟榦桐樾栳諸姪

孫時隨任靈寶

家榜更名  
極復更名楨

老梅托根深嶺石交盤畢東風一以吹次第舒其葩南枝最繁盛  
偏隣如吾家汝少能綴文謹愿余所嘉作爲咏梅圖胸懷靜無譁  
忍凍坐溪山健步移枚枒嗤彼紅羅亭豔歌四周遮士不耐歲寒  
曷由發光華勿效桃李姿勿爲芙蕖蓮鐵石作心腸吐氣蒸雲霞  
勗哉保其真燦爛先百花

題趙氏拓祠置祀田記後二首

文毅貽謀十葉存，擴田拓宇有賢孫。  
梓材自見勤丹蘄，葛藟甯徒庇本根。  
囊粟屢分廉吏俸，桑盛長荷

聖朝恩。苦心宛轉爲抒寫，孝弟之言藹且溫。

童童栢蓋特蟠祠，氣鬱湖山發彩奇。  
科第趙家遙競秀，唐登科記趙不器十

代科第時號義莊范氏近同規，敬宗收族精誠感。  
啓後承先志業

垂不比客兒陳祖德，空勞排比逞浮詞。

### 客中夜雨懷洛中舊游

江聲拍岸走長灘，細雨橫風逼夜闌。  
老計因人猶鹵莽，病軀求息卻高寒。  
歌傳猛虎懷誰滅，足張又發栖穩驚禽地亦難。  
夢裏不知何處路，黃河少室浩漫漫。

### 題文槐邨試駿圖

珠柑寶鉸黃金羈，錦障泥覆稍髮垂。  
天開渥洼自入貢，霜蹄血汗

儲雄姿，奚奴牽出柳陰下。試之調習，何馴雅。注目長風，一瞥生黃  
河。恒岌皆淩跨。君才倣儻，好身手，伏握在垆。顧影久，報主須當壯  
盛年。呈材豈肯驚駘後。青鞋白袷，無纖塵圖中灑。灑出精神，豐蘭  
湘芷餐不得。天閑苜蓿香鮮新。長安大道如矢直。五城十樓杏花  
赤。揚鞭一笑蹴紅塵。嘶過千人看顏色。

題黃岱洲岸花送別圖

岸花亭社已成塵。江路惟餘草色春。自作詩人離別地。吳中圖畫  
一時新。

湘城巨漲繫朦朧。酒挑燈黑雨中。不見高歌朱叔子。離心飛過  
大江東。

答吳橡邨節署見懷之作卽步元韻三首

戎務湖湘重。飛騰幕府名。正勞箋奏日。還結友朋情。獄雨傳書滯。

江風拂卷輕懸知停省鼓詩思有餘清

軍實仍蠶午深齋閉戶時

今歲講院當事復借辦軍需工匠燕樂數百人

那能揮盾檄空

自競錘錐

用潘崇和中甘里講學時語

展簡行吟久披衣病起遲故人疑欲到

花影月頻飾

老去聲華澹驚心是索居游蹤雖暫息豪氣未全除載酒無多路  
論文若比閭卅年來往處春夢繞扶胥

朱礪東自包山以咏梅圖寄題

梅花開時故人隔花下停觴只相憶今晨忽接咏梅圖展函喜見  
君顏色金釵蟬鬢事有無心葩意蕊生清娛笑他寒儉羅浮客翠  
羽空啼落月孤澹中幻色多真賞霽雪春山神獨往原是天花不  
染身聊成一室維摩想即今角里千枝開定攜畫榼趺蒼苔陳元  
西子圖多態乞伴山香句寄來

送朱礪東入都四首

重來知計別今日始遄行月過團圓澹

別以仲秋  
生魄日

江因氣誼清湖

山空有社蘭蕙不勝情此後思顏色寒雲隔鳳城

莫挽青絲絳相扶白玉羈遠遊貧更壯惜別老仍癡好結雲霞侶

兼收山水滋岸花圖尙在補作欲憑誰

鬱鬱年來事從茲氣奮揚見聞行笥富名姓布衣香簪屐招三館

箋麻足數箱薦雄文似此蚤晚賦長楊

吳楚聯三友心期密歲寒

黃心菴王印憐  
今皆在都門

天邊神作合海內士爭

看把酒名花簇論文夜雪漫惟餘江上叟寂寞倚闌干

穆弋雲折枝紅梅歌

嶺頭紅梅何幻哉客齋滿壁俄飛來東風吹暖夷門道一夜千枝

萬枝開穆君畫梅有神助夢臥溪山深郁處醒來奮筆作折枝偃

強盤挈破繚素

弋雲夢人引入紅梅林偃仰歌

花光道人用絳熟

君能以骨不以肉

雪窗驅墨霞烘天丹蚪疑出香泉浴倒垂矗立

無拘束意匠鑿空得機軸

知子夙署紅梅長爲借臺闢寫奇狀枚

枿地角吐璘鬬曲天梯橫蒼莽亂灑臙脂四座飛使我見之猶

恟怳眼前浩蕩江與湖胡爲趣促轅下駒勸君急脫貂襜褕相與

芒屨同踏姮娥障快哉手揮一幅傾一壺

武林穆弋雲爲紫峴師作折枝紅梅六幅師酬以長句曩在大

梁曾見之後失其二幅師錄舊詩寄粵西幕命書以補之因識

其後南豐受業湯元珪謹跋

辛酉元旦口占

六十年來磊落身重逢辛酉換庚申固知否盡仍旋泰况是寒銷  
早遇春老歲起居應自愛太平風物又更新迴思拔幟騷壇日正

有聲名動

紫宸

題戴□□懷仙樓圖白玉蟾賦沈繹堂宮詹書

懷仙之樓不可見空傳一賦白玉蟾紫清真人去千載書其賦者  
沈宮詹誰歟摘取賦中意續以茲圖稱特麗丹霞百丈天冥冥玉  
柱銀房插無地豈是鄂州之黃鶴仙之來兮雙赤腳踏空一朶青  
蓮花飄衲洞庭吸寥廓又疑瓜州之大觀金焦縹緲浮三山雲濤  
下瞰日車翻大舶長帆騰其間雲將若士成荒逸一念通靈卽瑤  
島武夷洞裏蓬頭人揮作騷辭亦神妙宮詹書著康熙年朶殿倬  
直草金箋人間瀛州卽此地流傳墨妙神翩翩讀賦玩書展縑素  
爲君放筆作長句桃花萬點紅雨飛望入白雲最深處

題家雲池麻姑進酒圖爲其尊人介壽作

昔登麻姑壇下汲神功泉酒香一痕湧萬古碧桃花作丹霞鮮  
吾宗今日來相訪手提介壽麻姑障誰爲作此南嶽生指頭灑墨神  
蕭放黃雲承襪來何所不騎彩蝶馴慈虎斂卻衣裙五色華簪簪  
練服爲賓主海鹽吳綸工長圖籃桃花葉金鷄鋤吳鈞煙有麻姑進酒圖未  
若茲圖寫孝思佐觴洗盡丹青娛一酌雙鬢綠再酌晚顏紅纖纖  
鳥爪手捧出寶瓶下瀉天漿濃雲塘堂高靜不風碧梧翠竹交籠  
葱神仙多憐貧士降丹砂狡獪原非工何須麟脯行廚熟溪蓴園  
韭堆盤馥文章養潔重白華報得春暉卽眞福

寄題靈巖四姪游獵圖時任靈寶令

寒風獵獵生庭隅連岡彌望白草枯黃皮袴褶貂襜褕三花翦鬣  
縱怒駒繡鞍金鐙彩模糊流星突駛鷗叫呼決雲飛掣騰韓盧壯  
士奮勇纓曼胡銀鷹赤雉壓擔鹿美子豪氣雄萬夫願子英姿宏

遠謨手驅鐵騎張天弧埽盡狐兔窟宅無丹青再寫麒麟圖時靈  
寶賦

其甚熾庭培禦靈繁賊  
首張漢潮屢爲所敗  
寄懷門人楊栢溪觀察六首時命世津作榆林之遊

朔方雄郡衛咸京

帝重嘉謨授節行一紙飛傳雞鹿塞雙旌遙出鳳凰城繡衣魚袋  
從容好曲蓋驂駟指顧榮共說蒼生前席問

御屏香閣早書名

鳴沙浩浩接龍荒行部弓刀列兩行臂指三關連銷鑰聲援四郡  
盡亭障威儀自昔中臺貴芻粟而今內地良夾道邊氓齊忭舞天  
邊星署下仙郎

雲開河套碧連天不記前朝戰鬪年自守封圻安部落豈煩羽檄  
達甘泉黑山夜獵三更火牙帳晨炊萬竈煙誰識綵毫西省客篋

中滿貯嚇蠻箋

受降城上捲龍旗  
硯琴牀暇每隨乳酪峒  
茶過馬客畱犁燒酒  
進蕃兒自成青澗招徠策  
不唱黃河遠上辭控禦老成惟靜謐  
關門笳吹樂清時

關西家學聚生徒  
邊冊新煩漢殿儒  
訓練自須開武庫  
牧甯終賴盛文謨  
治游龐籍園何處  
經術劉殷士有無  
金粟馬羊謳誦徧  
幽風好進勝州圖

章門談藝共深杯  
別後音塵費溯洄  
萬里心榮光祿塞  
一宵夢上赫連臺  
河套即赫連勃勃統萬城舊地  
佇看竹帛垂名日  
早識文章濟世才  
回樂峯頭尙相憶  
高秋應有朔鴻來

秋日入懺心寺與蔡羽儀小話

秋光引我出郊來  
小話書堂亦快哉  
百代文章爭派別  
十年懷抱

向誰開野田餘粟輸鴉啄遠道音書望雁催垂老喜尋花事約好  
憑隣祔報紅梅

偕羽儀人廣福寺看未開紅梅沈壻德脩攜酒至

春信在南枝山深吐豔遲欲傳真賞意須趁未開時寂歷藏香足  
空濛對酒宜花神知有約獻歲發華滋

題匯楚三姪柳陰課孫圖

教子一經今教孫用元遺山句幸成手澤帙猶存記從鄰嶽堂前過父大

堂額朗朗書聲秋樹根任鎮數間老屋對湘城柳陰執卷荷衣立雛

鳳聲連老鳳清

七莊紅樹接青山課子相商數往還老去看圖真樂事依然寒塾

翠雲閒先潭邨公有青山紅樹讀書堂長卷

題蔡士芬月夜看帆圖

包山居士瀟湘客，子舍欲歸歸未得。示余城上看帆圖，箬帽機鞋帶行色。宣城太守空靈句，天際歸舟出江樹。詩人懷抱孝子心，生面別開添畫趣。衡山陣雲九面環，飛蒲十幅轉其間。丹楓紅蓼互相映，可似煙嵐銷夏灣。濛濛皓魄天如水，飽風健鶻回沙觜。獨有思親不寐人，佇立徘徊淚痕泚。白雲之下吾親廬，橘綠橙黃秋色殊。循陔樂事縈魂夢，五鼎三牲味不如。誓將鞠脰捧觴去，手膾雕盤玉色鱸。請君破浪長江下，歸寫收帆笠澤圖。

廣西錢裴山學使任滿北上過昭潭訪予陶園將以詩酬之五更已揚帆直下矣倩吳生半江爲予寄京師呈之龍函彩繽紛，繡轡搖瓏璚。玉婁仙人歸朝去，士林爭望錢思公。靈渠雪後瀉碧鏡，暖壁猶有未凋楓。文星南斗耀千里，天開岫嶂蟠。

晴空數峯青處帆直下。湘靈鼓瑟迎考功。詩情畫趣滿蠲紙。定有  
光燄騰星虹。湘濱一老久放廢。遺編抱誦首飛蓬。荷公鞭轡咎鳳  
手。翻憐寒鳥與候蟲。瓊瑤疊寄懸座右。使我矯首瞻秋鴻。江干今  
欲挽蓬萊。辦香手奉曾南豐。豈知王程不遑息。一夜飛過昭潭東。  
吳生曉來將寄什。望之不見心慙慙。公今謁

帝明光宮。前席首問蒼生同。文翁教化由禮樂。余公邊冊籌始終。  
遐方自有救甯法。一一奏對洽。

宸衷何以澄清飭。簠簋何以綏卹安。耕耰治民課士本。一轍謨猷  
早裕馳驅中。山簷水帶地咫尺。何況譽望三年隆。會須湖湘作霖  
雨。郊迎扶杖隨兒童。

題蔣宜軒嶺上望雲圖

昔登天井關。狄公橫望隘。三千里外指親廬。丙舍松楸淚遙瀕。今

朝見子望雲圖浦煙巖黛紛紫紆飛鴻渺渺天盡處恍是金庭俯  
笠湖牽車服賈良有以負米焉能限百里三湘七澤稻梁深返哺  
慈烏鳴亦喜結交當在賢豪間選勝宜居山水環茝蘭滿載珠滿  
篋娛親已勝嬉斑斕誰爲長卷吾老友摩也先生雲夢瀟湘歸鉅手鄉  
心孝思寫淋漓沙鳥風帆入清眴自爲怡悅誰持贈悱惻性情聊  
託興順親信友在茲圖載展春暉更遙訊

蔡羽儀同看廣福寺紅梅飯我懺心寺書館適蔡紫溪吳  
半江至用羽儀元韻二首

秋去看花莫悵空寒香尙在寂寥中共言異種超凡卉獨占荒山  
壓佛宮幾隊游蜂爭趁日一林翠羽不驚風遲來已分南枝少乞  
得臙脂映頰紅

浮光山色寺相連路轉尙書舊閣前佛運豈能容墮劫吾曹聊使

藉栖禪盤添嶽蔬知新味窗滿書聲似昔年薄醉任隨斜照散郭門回首晚霞妍

再飯懺心寺步蔡羽儀見贈元韻

壬戌暮春

春光濃處認行窩御史湖頭喜再過花落寺門增隱秀疇平溪路未陂陀老空世事非關酒幻謝禪機豈鍊魔大義微言爭絕續斜陽執手話林阿

李放林在座時放林撰四書講義將成

八月初度口占

八十二翁何所求褰衣大袖作優游筆凋墨碎狂仍寫飯軟茶香飽卽休不合時宜酬應厭頻遭憂戚泰和畱且憑兒女乘觴醉摘金英插滿頭

廣福寺紅梅盛開同蔡羽儀往觀喜沈生德脩載酒飲花

下

山郊路轉石橋斜。入寺來看第一花。獨挺丹心撐浩劫。

花帶紅

不

分古豔到鄰家。

有以小缶移旁枝去者。縱沾花亦變色。

盤擎紅雪偏蒸日。絢爛青天

欲化霞。正似二仙壇上望。花泉流出盡硃砂。

庚嶺紅梅二仙壇最盛。余官其地。數往遊。

焉因自署紅梅花長

老樹瓊葩興未慵。隔城家具喜移從。作亭思做紅羅覆。

擬約同人築金橋亭。

亭為燕賞所。映酒先浮虎魄濃。地僻人疑聽翠羽。霜清天為斂游蜂。山

靈若肯相招。致明歲還期共策筇。

歸途輿中口占

去歲觀梅頻有約。

王勿齋印潭兄弟曾讀書寺中。約遊不果。忽愁風烈冰堅深。

琴羽儀已訂攜。

博往觀次日。正當臘冬花爛漫。未卜明日天晴陰。枝高那許折簪

鬢香厚。何妨攜滿襟。衰顏紅潤晚歸去。博得兒孫喜不禁。

癸亥元旦口占

太平又履端辰爆竹聲喧徹四隣野寺梅花應吐豔園林鳥語似迎春做裘且喜嚴寒減禿管知裁舊帙新八十三翁祝釐畢倚閭還望早歸人

接蜨園世講來書兼荷餽壽之錫小詩奉酬並慰近况久被雲山隔令儀書來感激慰憂思世無直道多紛勁天鍊英雄在警危自有長衢舒驥足豈令眾女妬蛾眉美人金錯煩相寄慚乏瓊瑤一報之

鳳竹庵桂花盛開同人讌集首唱二律

浮木堂前老桂叢卅年不見欲挈空團圓覆地不知日錯落綴雲偏愛風天宇托根畱淨白薌林孤隱剩衰紅生來迦葉微塵裏滿酌龍涎入酒中

湖山吟社經年散蔡子飄零朱子歸大地秋光知各領祇園花事

未全非欲裁篇什豪情減忽對天香逸興飛好待軒亭重葺日如  
來金粟共皈依

病中口號

粵東養病絕句二首之一

擔柴運米百無能自讀楞嚴自翦燈夜半萬緣鐘打盡前身南嶽  
一枯僧

男姪

聲有普孫啓

裕幹

如泰沃豐字校字

從祖度西先生以詩名海內生平所作多散佚嘗客西泠攜稿若干卷爲人竄取去晚歸主講昭潭始手自編葺所存僅十之二三其自湘之邨曰二嶺集自都返湘曰江帆集官教習曰都講集始遊江西曰豫章初集遊雲南曰滇遊集遊江浙曰吳越一集入都謁選曰再蠶集官峽江曰豫章二集官南昌曰豫章三集由江西之浙江曰吳越二集官海陽曰如粵集粵遊集將之福建未果往復由浙返江西曰萍舫集遊河南修鞏洛志曰遊梁集太行集嵩遊草洛中集志餘吟歸湘曰倦遊集各若干卷藏於家歿後十年兄家櫟宰鍾祥取行篋中所抄副本自二嶺至倦遊等集十八卷刻於署總曰陶園詩集陶園者在湘潭熙春門西舊名桃園先生晚營菟裘其間易桃曰陶取以署其全集也

家

櫟既爲先生刊陶園文集八卷詩餘二卷成乃取鍾

祥本重校刊之益以海南歸湘等集四卷計詩千九百餘首卷  
二十有二刊將畢適先生孫從兄家樞以蔡芷衫姜杜薌兩先  
生閱本至評隲簡當深得先生用心爲附入未竟刊之江帆都  
講以下八卷其已刊而不能附入者錄存以俟續補因敬志其  
校刊顛末於後嘉慶戊寅仲夏從孫家棧謹跋

矣乃重爲釐訂謹附其  
跋末於卷首茲不贅

謹跋  
當時重刊似尙  
盡善今三十年